

মুক্ত বিশ্ববিদ্যালয় ওয়ার্কশপ সমাপ্ত দূর শিক্ষণ ব্যবস্থা সম্পর্কে কয়েকটি সুপারিশ


(নিজস্ব বার্তা পরিবেশক)

দূরশিক্ষণ ব্যবস্থার উন্নয়ন এবং মুক্ত বিশ্ববিদ্যালয় স্থাপনের ক্ষেত্রে দক্ষিণ-পূর্ব এশিয়ার দেশগুলোর মধ্যে সহযোগিতা বাড়ানোর উপর গুরুত্ব আরোপ করা হয়েছে। "উন্নয়নশীল দেশে মুক্ত বিশ্ববিদ্যালয়" শীর্ষক তিনদিনের আন্তর্জাতিক ওয়ার্কশপের সুপারিশমালায় এ বিষয় এসেছে। ওয়ার্কশপ শেষ হওয়ার পরে গতকাল সন্ধ্যায়।

বাংলাদেশ ইনস্টিটিউট অব ডিস্ট্যান্স এডুকেশন (বিআই ডিই) এবং ওয়ার্ল্ড ভিউ ইন্টারন্যাশনাল ফাউন্ডেশনের যৌথ উদ্যোগে ঢাকায় এই ওয়ার্কশপের আয়োজন করা হয়। তৃতীয় বিশ্বের দেশগুলোতে দূরশিক্ষণ ব্যবস্থার উপযোগিতা এবং এই পদ্ধতি কার্যকর করার বিভিন্ন দিক নিয়ে ওয়ার্কশপে আলোচনা ও মত-বিনিময় হয়েছে।

ঢাকার ওয়ার্কশপে প্রতিনিধিত্ব করা তিনটি গ্রুপে বিভক্ত হয়ে আলোচনা করেন। এদের আলোচনার বিষয় ছিল মুক্ত বিশ্ববিদ্যালয় পরিচালনার জন্য প্রয়োজনীয় প্রশিক্ষণ, মুক্ত বিশ্ববিদ্যালয়ের ছাত্র-ছাত্রী ছাড়াও অন্যদের মধ্যে শিক্ষার সম্প্রসারণ এবং মুক্ত বিশ্ববিদ্যালয়ের শিক্ষার্থীদের মধ্যে পারস্পরিক সহযোগিতা। এই তিন বিষয়ের উপর সুপারিশ-

মালা গতকাল প্রকাশ করা হয়েছে। মুক্ত বিশ্ববিদ্যালয়ের পরিচালকদের প্রশিক্ষণ সম্পর্কিত সুপারিশে দক্ষিণ পূর্ব এশিয়ার বিভিন্ন দেশের মধ্যে সহযোগিতার কথা বলা হয়। সুপারিশে বলা হয়, এই অঞ্চলের কোন কোন দেশে মুক্ত বিশ্ববিদ্যালয় রয়েছে অথবা গড়ে উঠছে। এসব বিশ্ববিদ্যালয়ের কর্মকর্তারা প্রতিবেশী দেশগুলোকে তাদের অভিজ্ঞতা (শেষ পৃঃ ৩-এর কঃ সঃ)



উন্নয়নশীল দেশে মুক্ত বিশ্ববিদ্যালয় শীর্ষক ওয়ার্কশপের গতকালের অধিবেশনে প্রতিনিধিত্ব করা তিনটি গ্রুপে আলোচনা করছেন।

দূরশিক্ষণ ব্যবস্থা (১ম পাতার পর)

ক্রম দিবে সাহায্য করতে পারেন। ইউনেস্কো, ইউনিসেফসহ এ পরনের আন্তর্জাতিক সংস্থাগুলোও প্রশিক্ষণের ক্ষেত্রে সহায়তা দিতে পারে।

মুক্ত বিশ্ববিদ্যালয়ের শিক্ষা সম্প্রসারণ প্রসঙ্গে সুপারিশমালায় বলা হয় যে, দূরশিক্ষণ পদ্ধতিতে বেতার ও টেলিভিশনের মাধ্যমে শিক্ষাদানের ব্যবস্থা থাকবে। নির্ধারিত শিক্ষার্থী ছাড়াও অন্যান্য শ্রেণী ও দর্শকরাও যাতে এসব শিক্ষামূলক অনুষ্ঠান থেকে উপকৃত হতে পারেন সেদিকে খেয়াল রাখতে হবে। বিশেষ করে কারিগরি, কৃষি, স্বাস্থ্য, পরিবার পরিকল্পনাসহ বিভিন্ন বিষয়ে দেশের জনগণকে শিক্ষিত করে তুলতে মুক্ত বিশ্ববিদ্যালয়ের কর্মসূচী সহায়ক হতে পারে।

শিক্ষার্থীদের মধ্যে পারস্পরিক সহযোগিতা বৃদ্ধির জন্য সুপারিশে বলা হয় যে, যেহেতু মুক্ত বিশ্ববিদ্যালয়ের ছাত্র-ছাত্রীরা দেশের বিভিন্ন স্থানে ছড়িয়ে ছিটিয়ে থাকবেন, কাজেই তাদের নিজেদের মধ্যে পরিচিতির

সুযোগ থাকবে না। শিক্ষার্থীদের মানসিক বিকাশের জন্য এই বিচ্ছিন্নতা দূর করার ব্যবস্থা থাকা দরকার। জীভা, সাহিত্য, সাংস্কৃতিক তৎপরতার মাধ্যমে মুক্ত বিশ্ববিদ্যালয়ের ছাত্র-ছাত্রীদের সংযুক্ত করা যেতে পারে।

গতকাল ওয়ার্কশপের সফলের অধিবেশনে তিনটি গ্রুপের রিপোর্ট চূড়ান্ত করা হয়। সন্ধ্যায় সমাপ্ত অধিবেশনে সভাপতিত্ব করেন ওয়ার্ল্ড ভিউ ইন্টারন্যাশনাল ফাউন্ডেশনের সহ-সভাপতি মিঃ উইলিয়াম বি, হলে। সমাপ্তি অনুষ্ঠানে প্রধান অতিথি ছিলেন পরিকল্পনা কমিশনের সদস্য জনাব মুজিবুল হক। বিআই ডিই'র পরিচালক ডঃ সিরাজুল ইসলামসহ বিভিন্ন দেশের প্রতিনিধিত্ব করা অনুরাগে বক্তব্য রাখেন।

দূর শিক্ষণ পদ্ধতিতে বি.এড কোর্স

(নিজস্ব বার্তা পরিবেশক)
দূর শিক্ষণ পদ্ধতির মাধ্যমে বি.এড কোর্সে শিক্ষাদান আগামী জুলাই থেকে শুরু করা হবে। রাজশাহী বিশ্ববিদ্যালয়ের তত্ত্বাবধানে এই কোর্স পরিচালিত হবে।

সংশ্লিষ্ট সরকারী সূত্রে জানা যায়, এই বি.এড কোর্স হবে বাংলাদেশে মুক্ত বিশ্ববিদ্যালয় স্থাপনের প্রথম পদক্ষেপ। দেশের মাধ্যমিক বিদ্যালয়গুলিতে কর্মরত শিক্ষকরা দূর শিক্ষণ পদ্ধতিতে রাজশাহী বিশ্ববিদ্যালয়ের অধীনে বি.এড কোর্সে পড়া-শুনার সুযোগ পাবেন। তবে এই পদ্ধতিতে বি.এড কোর্স শেষ করতে দুই বছর সময় লাগবে।